



Број/Број: 01/4-50-1-4-61/10

Сарајево/Sarajevo, 22.1.2010. године

Z A P I S N I K

61. sjednice Komisije za finansije i budžet Predstavničkog doma Parlamentarne skupštine BiH održane 19.1.2010. godine, od 10 do 11,15 sati.

Sjednici Komisije prisustvovali su članovi: Sadik Bahtić, Lazar Prodanović, Velimir Jukić, Adem Huskić i Bajazit Jašarević.

Sjednici nisu prisustvovali: Zlatko Lagumdžija, Savo Erić, Drago Kalabić i Salko Sokolović članovi Komisije.

Sjednici su također prisustvovali: Ranko Šakota, pomoćnik ministra za trezor iz Ministarstva finansija i trezora BiH, Milenko Šego, generalni revizor iz Ureda za reviziju institucija BiH, Sven Marius Urke, međunarodni član VSTVBiH, Muhamed Tulumović, direktor Sekretarijata, Amra Jašarević, zamjenik direktora Sekretarijata, Admir Suljagić, savjetnik predsjednika, Anisa Ibrahimović, pravni savjetnik, i Tatjana Glavonjić, šef odsjeka za administrativne i finansijske poslove iz VSTVBiH, Nermin Durmo, v.d. direktora, Muhamed Bakarević, pomoćnik direktora, i Marija Putica, predsjednik UOBHRT-a, Sanja Stanojević, politički savjetnik iz OHR-a, Samir Mušović, konsultant PKF/DFID, Ivana Smiljanić, asistent za finansije i budžet pri projektu USAID PSP u BiH, Zoran Brkić, viši stručni saradnik u Sektoru za odnose s javnošću, te Željko Kosmajac, sekretar, i Muhameda Humačkić, stručni saradnik pri ovoj komisiji.

Za sjednicu je predložen sljedeći

DNEVNI RED

1. Usvajanje Zapisnika 60. sjednice Komisije;
2. Ponovno razmatranje Prijedloga zakona o dopuni Zakona o porezu na dodatu vrijednost, prva komisijska faza (predlagač: Klub poslanika SNSD-a);
3. Razmatranje Izvještaja o reviziji Javnog radiotelevizijskog servisa BiH za 2008. godinu (sačinilac: Ured za reviziju institucija BiH);
4. Razmatranje Izvještaja o reviziji izvršenih donacija Visokog sudskog i tužilačkog vijeća BiH u periodu od 2006. do 2008. godine (sačinilac: Ured za reviziju institucija BiH);
5. Razmatranje Izvještaja o radu Komisije za finansije i budžet Predstavničkog doma Parlamentarne skupštine BiH za 2009. godinu;
6. Razmatranje Prijedloga orijentacionog radnog plana Komisije za finansije i budžet Predstavničkog doma Parlamentarne skupštine BiH za 2010. godinu;
7. Tekuća pitanja.

Predloženi dnevni red usvojen je jednoglasno.

Ad.1. Usvajanje Zapisnika 60. sjednice Komisije

Zapisnik 60. sjednice jednoglasno je usvojen, bez primjedbi.

Ad.2. Ponovno razmatranje Prijedloga zakona o dopuni Zakona o porezu na dodatu vrijednost – prva komisijska faza (predlagač: Klub poslanika SNSD-a)

Prva komisijska faza

Predsjedavajući Komisije konstatirao je da Predstavnički dom, na 66. sjednici, održanoj 17.12.2009., po treći put nije prihvatio negativno mišljenje Komisije o principima Prijedloga zakona, te ga je vratio ovoj komisiji na ponovno razmatranje i dostavljanje novog mišljenja Domu.

Kratko obrazloženje Prijedloga zakona, u ime predlagača, dao je Lazar Prodanović.

Zatim je predsjedavajući otvorio raspravu o principima Prijedloga zakona i neophodnosti njegovog donošenja.

U raspravi su učestvovali članovi Komisije: Bajazit Jašarević, Sadik Bahtić, Adem Huskić i Velimir Jukić.

Izjašnjavanje o principima Prijedloga zakona

Komisija je na ovoj sjednici četvrti put razmatrala Prijedlog zakona u prvoj komisijskoj fazi, te nakon kraće rasprave, s jednim glasom „za“ i četiri glasa „protiv“, ponovo nije prihvatila principe Prijedloga zakona, predlažući Domu da ih ne usvoji iz sljedećih razloga:

Upravni odbor Uprave za indirektno oporezivanje svojim Mišljenjem, broj 01/4-02-4-35/09, od 30.7.2009., nije podržao Prijedlog zakona. Naime, Prijedlog zakona, kojim se predviđa oslobađanje određenih dobara od plaćanja PDV-a, nije kompatibilan s poreskim oslobađanjima predviđenim direktivom EU, broj 2006/112/EC-„Council Direktive 2006/112/EC on the Common System of Value Added Tax, OJ L 347, 11.12.2006“, u smislu da je za određena dobra navedena u Prijedlogu zakona direktivom EU predviđena mogućnost uvođenja snižene stope, dok druga navedena dobra podliježu oporezivanju po općoj stopi. Zbog nedostatka finansijske discipline u BiH, nulta stopa PDV-a za predložene proizvode ne bi dovela do krajnjeg cilja, tj. smanjenja cijena tih proizvoda prema krajnjem potrošaču nego do prelivanja dobiti u korist prodavača.

Ad.3. Razmatranje Izvještaja o reviziji Javnog radiotelevizijskog servisa BiH za 2008. godinu (sačinilac: Ured za reviziju institucija BiH)

Predsjedavajući Komisije naveo je da je Komisija na 60. sjednici, održanoj 28.12.2009., razmatrala Izvještaj o reviziji Javnog radiotelevizijskog servisa BiH za 2008. godinu, te odgodila izjašnjavanje o Izvještaju, jer sjednici Komisije nisu prisustvovali uredno pozvani članovi Upravnog odbora Radio-televizije BiH.

Nakon što je konstatirao da predstavnici menadžmenta i UOBHRT-a prisustvuju ovoj sjednici, predsjedavajući Komisije dao je kratak osvrt na sadržaj Izvještaja, te ponovo otvorio raspravu.

U raspravi učestvovali su članovi Komisije: Bajazit Jašarević, Velimir Jukić, Sadik Bahtić i Lazar Prodanović, Milenko Šego, generalni revizor, te Marija Putica, predsjednik UOBHRT-a, i Nermin Durmo, v.d.direktora, u ime BHRT-a.

U toku rasprave poslanik Bajazit Jašarević predložio je dva zaključka.

Potom je Komisija jednoglasno prihvatila Izvještaj o reviziji Javnog radiotelevizijskog servisa BiH za 2008. godinu, koji je sačinio Ured za reviziju institucija BiH, te ga uputila u daljnju parlamentarnu proceduru, s prijedlogom Domu za usvajanje.

Također, Komisija je jednoglasno usvojila sljedeće **zaključke**:

- 1) Predstavnički dom Parlamentarne skupštine BiH zadužuje menadžment i Upravni odbor Radio-televizije BiH da sačine detaljan akcioni plan za otklanjanje svih propusta i nedostataka koji su navedeni u revizorskom izvještaju Ureda za reviziju za 2008.godinu., na osnovu kojeg će u najkraćem roku realizirati sve navedene revizorske preporuke.
- 2) Predstavnički dom Parlamentarne skupštine BiH zadužuje menadžment i Upravni odbor Radio-televizije BiH da realiziraju zaključke Predstavničkog doma broj 1. i 3., s 55. sjednice, održane 10.6.2009., koji se odnose na izradu Plana sanacije i konsolidacije Radio-televizije BiH i ispitivanje prisustva monopola u radu marketinških agencija na marketinškom tržištu javnih servisa u Bosni i Hercegovini, u saradnji s Konkurencijskim vijećem BiH.

Ad.4. Razmatranje Izvještaja o reviziji izvršenih donacija Visokog sudskog i tužilačkog vijeća BiH u periodu 2006.-2008. godina (sačinilac: Ured za reviziju institucija BiH)

Predsjedavajući Komisije naveo je da je Ured za reviziju institucija BiH, 7.12.2009., dostavio Parlamentarnoj skupštini BiH Izvještaj o reviziji izvršenih donacija Visokog sudskog i tužilačkog vijeća BiH u period od 2006. do 2008. godine.

Kratko obrazloženje Izvještaja dao je Milenko Šego, generalni revizor Ureda za reviziju institucija BiH, a zatim je otvorena rasprava.

U raspravi su učestvovali članovi Komisije: Bajazit Jašarević, Velimir Jukić, Adem Huskić, Sadik Bahtić i Lazar Prodanović, generalni revizor Milenko Šego, te Sven Marius Urke, međunarodni član VSTVBiH, Muhamed Tulumović, direktor Sekretarijata, i Admir Suljagić, savjetnik predsjednika iz VSTV-a.

Komisija je jednoglasno prihvatila Izvještaj o reviziji izvršenih donacija Visokog sudskog i tužilačkog vijeća BiH u period od 2006. do 2008., koji je sačinio Ured za reviziju institucija BiH, te ga uputila u daljnju parlamentarnu proceduru, s prijedlogom Domu za usvajanje.

Također, Komisija je jednoglasno usvojila sljedeće **zaključke**:

- 1) “Predstavnički dom Parlamentarne skupštine BiH zadužuje Visoko sudsko i tužilačko vijeće BiH da sačini detaljan akcioni plan za otklanjanje svih propusta i nedostataka koji su navedeni u Izvještaju o reviziji izvršenih donacija, s posebnim naglaskom na edukaciju osoblja za provođenje procedura javnih nabavki, te da u najkraćem roku realizira sve navedene revizorske preporuke.
- 2) Predstavnički dom Parlamentarne skupštine BiH izražava podršku Visokom sudskom i tužilačkom vijeću BiH na realizaciji projekata iz oblasti reforme pravosuđa.”

Ad.5. Razmatranje Izvještaja o radu Komisije za finansije i budžet Predstavničkog doma Parlamentarne skupštine BiH za 2009. godinu

Komisija je, bez rasprave i primjedbi, jednoglasno usvojila Izvještaj o radu Komisije za finansije i budžet Predstavničkog doma Parlamentarne skupštine BiH za 2009. godinu.

Ad.6. Razmatranje Prijedloga orijentacionog radnog plana Komisije za finansije i budžet Predstavničkog doma Parlamentarne skupštine BiH za 2010. godinu

Komisija je, bez rasprave i primjedbi, jednoglasno usvojila predloženi Orijentacioni radni plan Komisije za finansije i budžet Predstavničkog doma Parlamentarne skupštine BiH za 2010. godinu.

Ad.7. Tekuća pitanja

U okviru ove tačke dnevnog reda nije bilo rasprave.

Sekretar Komisije

Željko Kosmajac

Predsjedavajući Komisije

mr. ecc.sc. Sadik Bahtić